



Synfocity = 955

mail us at : mzsynfo@gmail.com; mizoramsynod@gmail.com - Phone - 2314648

September 19, 2024

❑ Central KTP buatsaih Ruihhlo Do Awareness Campaign

September 16, 2024 (Thawhtanni) khan Central KTP buatsaihin Ruihhlo Do Awareness Campaign District Headquarters paruk - Champhai, Saitual, Khawzawl, Kolasib, Mamit leh Serchhip-ah neih a ni a. Awareness Campaign hmanpui hian Central KTP hruaitute, damlohna leh harsatna bik nei mi pahnih khat tih loh chu an kal a, he hunah hian Central KTP hruaitute atanga ruat bikten zirtirna an pe a ni.

He Awareness Campaign-ah hian District tin huam chhunga Bial KTP aiawh mi pahnih theuh an tel a, heng Bial aiawhte hi anmahni bial chhung Branch hrang hrangten Resource Person-a hmangin zan khat inkhawm hun siamsak theuh turin Central KTP chuan a beisei a ni.

KTP General Conference-in Ruihhlo Do kawnga hmalak an rel angin Ruihhlo Do Awareness Campaign hi neih a ni a, August 15, 2024 khan Aizawl District-a mite tan Ruihhlo Do Awareness Campaign hi neih a lo ni tawh a ni.

❑ Praise On 2024

September 14, 2024 (Inrinni) khan Kolasib Hmar Veng Kohhranah Praise On 2024 Kolasib Audition neihpuiin Pu John Lalhruaitluanga, Co-ordinator leh SYNFO staff-te - Pu Peter Lalanpuia, Pu H. Lalpanpuia, Pu David Lalruaitluanga te bakah Video Production lam buaipui turin Tv. Vanlaldampuia, Tv. R.L. Zochhuanmawia leh Tv. Lalnuntluanga te an kal a. Audition endik hian Praise On 2024 Judge pathum - Upa F. Lalthanmawia, Ni. R. Lalrinmawii leh Pu Michael Lalneihluanga te an kal bawk a ni.

Praise On 2024 Audition hi hmun thum - Champhai, Serchhip leh Kolasib-ah te neih tawh a ni a, September 21 (Inrinni) hian Lungleiah neih a ni ang a, September 25-28 chhung hian Tuikual Kohhranah Aizawl Audition neih a ni thung ang. Aizawl Audition-a tel tur hian mi 300-in hming an pe lut a ni.

Praise On Audition hi Hruaina Eng TV-a a chhuah bakah Synod Information YouTube channel-a dah nghal zel a ni a. New Serchhip Audition hi September 19 (Ningani) zan dar 8:30-ah Hruaina Eng TV leh YouTube-ah en theih a ni ang a, September 20 (Zirtawpni) zan dar 8:30-ah Kolasib Audition en theih a ni bawk ang. 1st round intihsiakna pawh TV leh YouTube-a en theih turin dah a ni ang a, 2nd round atanga Final thlengin Hruaina Eng TV leh YouTube lamah Live-a pek chhuah a ni tawh thung dawn a ni.

❑ Bial Treasurer pual Training

September 20, 2024 (Zirtawpni) hian Synod Conference Centre, Mission Vengah Bial Treasurer-te pualin Training neih a ni dawn.

Training hi hun hniha hman a ni ang a, hun khatna hi chawhma dar 10-ah tan a ni ang a, Rev. V.L. Luaia Hranleh, Executive Secretary-in hunserh a hmang ang a, inhmelhriattirna neih a nih hnuah Upa F. Lalhmangaiha, Finance Manager-in hun a hmang ang a, thupui pahnih - Synod Sum Vawn Dan 2020 leh Bank dawr dan chungchang leh Bial Treasurer TA/DA Bill dan chungchang a zirtir ang.

Chawhnu dar 1-ah hun hnihna neih leh a ni ang a, Pu Zaihmingthanga Fanai, Accountant-in hun a hmang ang a, thupui pahnih - Treasurer sum ziakna bu leh Thawhlawm form hman dan leh Sum enkawl chungchang a zirtir ang. Chawhma leh chawhnu hunah hian zawhna leh chhanna hun hman a ni ang. Hun tawpah Rev. C. Zoramawia, Senior Executive Secretary-in lawmthu sawiin kharna hun a hmang ang.

❑ KTP

♦ September 6-10, 2024 chhunga Negombo, Sri Lanka-a neih SACYN 2024 Annual Training Module and Core Group Meeting-ah Tv. P.C. Lalthanmawia, Committee Member leh Ni. Agnes Lalrinzuali, Asst. Coordinator-te an tel.

♦ September 14, 2024 (Inrinni) khan Sumsuih Bial Zaipawl Conductor Training hmanpuiin committee member-te, Pu C. Hmingthanauva leh Tv. Vanlalremliana te an kal.

❑ **Campus Ministry**

September 10-12, 2024 chung khan Baktawng Bial chung school hrang hrang - PES Baktawng leh Khumtung, Baktawng Middle School I&II, High School leh Higher Secondary School bakah Govt. Democratic High School, Khumtungah te rawngbawlna an nei a. He hunah hian Synod Campus Ministry lam aṅangin Director, Rev. H.L. Thianghlina leh Counsellor, Tv. Lalrinchhana te bakah Resource person pathum - Upa Lalnunsiana Khalthang, T. Upa K. Lalengzama leh Pu C. John Saiparlina te an kal a ni.

❑ **Mizoram Christian College**

◆ September 12, 2024 (Ningani) khan Mizo, Public Administration leh Commerce Department-a zirlaite leh zirtirtute chuan Gauhati High Court-ah an zirlai atana pawimawh, Off-Campus Class an nei a. Zirlaite hian Justice Michael Zothankhuma leh Justice Kaushik Goswami ten Court Case an kalpui lai mek chu a hmunah an chhim a. Laldinpuia Tlau, Joint Registrar (Judicial) leh Julie Lalhlupuii, Deputy Registrar (Judicial) ten MCC zirlaite chu High Court kalphunga an hriat tur hrang hrangte an lo hrih a ni.

◆ September 16-20, 2024 chung khan College Week vawi 4-na neih a ni a. College Week hi hmun hrang hrang - Electric Veng Indoor Stadium, Synod Conference Centre, Chite Football Ground leh Dawrpui Multipurpose Hall-ah te hman a ni a, zirlaite chu Indoor leh Outdoor Sports Discipline hrang hrang hmangin an intihsiak a ni.

❑ **Trust**

September 14, 2024 (Inrinni) khan Buhchangphai leh Tumpui Pastor Quarters sak mek enpuin Rev. C. Zoramawia, Senior Executive Secretary leh Pu Lalhriatrenga, J.E te an kal.

❑ **Prison Ministry**

◆ September 15, 2024 (Pathianni) khan Central Women's Jail-ah hun hman a ni a. Chawhma inkhawm hi Pu David Lalnunsanga Colney, Prison Ministry Counsellor-in a kaihruai a, Pi Helen Zomuansangi'n thuchah sawiin, Prison inmates aṅangin Solo leh Group Zai ngaihthlak a ni bawk. Chawhnuah Rev. Lalmuchhuaka, Prison Ministry Director-in inkhawm a kaihruai a, Ex Prison inmate Pu R.C. Lalmaka'n thuchah tawi a sawi a, Nl. H. Laltharzuali leh Nl. Marina Malsawmtluangi te an zai a, Prison inmate-te'n Group zai leh Sharing hun an hmang bawk a ni.

Aizawl khawpui pawn District Jail hrang hrangah Synod Prison Ministry Sub-Committee Hruaitute ruahman angin chawhnu lamah inkhawm a ni bawk.

❑ **Social Front**

◆ September 21, 2024 (Inrinni) hian Mission Vengthlang Kohhranah Ram ngaw, Nungcha leh Tuihna humhalh Seminar neih a ni dawn a, Resource person tur hi Pu P.C. Lalchhandama, Bawngkawn Chhim Veng a ni ang.

◆ September 20-23, 2024 chung hian Champhai Vengsang Kohhranah Ruihhlo - Chhungkaw lam hawi & Thalai tana campaign turin Pu F. Vanlalrochana, Khatla a kal ang.

❑ **Synod Mission Board**

◆ **Jharkhand Mission Field**

September 15, 2024 (Pathianni) khan belhtu thar 12 an awm.

◆ **Arunachal & Assam Mission Field (West)**

September 15, 2024 (Pathianni) khan belhtu thar pathum an awm a, kohhran pawl dang aṅangin mi pathum kan kohhranah an rawn inpe bawk.

◆ **Arunachal & Assam Mission Field (East)**

September 15, 2024 (Pathianni) khan belhtu thar pali an awm.

◆ **Karbi Anglong Mission Field**

September 15, 2024 (Pathianni) khan belhtu thar panga an awm.

◆ **Calcutta Mission Field**

September 15, 2024 (Pathianni) khan belhtu thar pakhat a awm.

◆ **Patna Mission Field**

September 15, 2024 (Pathianni) khan belhtu thar pathum an awm.

☐ **MSSU**

September 21, 2024 (Inrinni) hian Sunday School zirtirtu training neihpui turin Trainer-te hetiang hian an chhuak ang:

Lunglei Venglai Bial : Upa K. Zoremsanga, Upa Lalsiammawia Pachuau leh Upa Lalbiakliana.

Darlawn Venghlun Bial : Upa R. Vanlalhraia leh Upa C. Lalbiaksanga.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund aṅangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Kanghmun	Leimin tuar	3	₹ 66,000/-
2.	Vaivakawn Vengthlang	Vanduaina tawk	7	₹ 58,000/-
3.	Kanhmun	Damlo	4	₹ 40,000/-
4.	Tualte	Damlo	2	₹ 20,000/-
5.	Mamit Field Veng	Leimin tuar	1	₹ 15,000/-
6.	Tuirial	Damlo	1	₹ 10,000/-
7.	Bungthlang Bazar veng	Damlo	1	₹ 10,000/-
8.	Chhiahtlang Venghlun	Damlo	1	₹ 10,000/-
9.	Chawngtlai	Khawsak harsa	1	₹ 10,000/-
			Belh khawm	₹ 2,39,000/-

☐ **FM Zoawi - Aizawl & Lunglei : Hruaina Eng Radio Programme**

September 20, 2024 (Zirtawpni) @ 7:30 p.m. :

Solo : Angili Lalhmangaihzuai - Ka zai chhan Isua

Zaipawl : Lunglei Presbyterian Choir - Ka hrethiam tawh ang

Thusawi : Rev. Dr. C. Chawngmingliana - Hlawhtlinna thuruk

Solo : Lalruatfela Pachuau - A man zo lo

Zaipawl : Hnahlan Bial Zaipawl - Ka zai chhan

☐ **Su Samachar Prasaran Programme :**

September 22, 2024 (Pathianni) 5:30 pm. :

Group/Choir/Solo : Fabiana Malsawmtluangi - Jis Din Mein

Group/Choir/Solo : Chanmari Masihi Sangati - Aaradhana

Sermon : Rev. Laltharzuai - Masib hamara Adarsh

Group/Choir/Solo : Republic Veng Masihi Sangati - Falaksa

Group/Choir/Solo : Aizawl South West - Prabo Tumor

☐ **Hruaina Eng TV Programme**

19.9.2024 (Ningani) 8:30 pm : Praise On 2024 - Serchhip Audition

20.9.2024 (Zirtawpni) 5:00 pm : Kristian Naupang Pual

8:30 pm : Praise On 2024 - Kolasib Audition

21.9.2024 (Inrinni) 5:30 pm : Puitling Sunday School Zirlai

22.9.2024 (Pathianni) 8:00 am : Weekly round up

5:30 pm : Su Samachar Prasaran

23.9.2024 (Thawhtanni) 8:30 pm : Hruaina Eng Luang chhuak - Rev. Lalrinmawia

☐ **Moderator leh Executive Secretary-te Programme:**

Rev. R. Vanlalnghaka : Moderator

Sept. 21-22, 2024 Kohhran tlawh - Darlung Bial

Sept. 25, 2024 SL&PB BEC

Rev. C. Zoramawia : Senior Executive Secretary

Sept. 18-19, 2024 Chhim Bial Committee, Lunglei

Sept. 25, 2024 Revival Committee

Rev. V.L. Luaia Hranleh : Executive Secretary

Sept. 21-22, 2024	Synod Rescue Home Committee, Champhai
Sept. 24, 2024	Central Kohhran Hmeichhe Committee
Sept. 25, 2024	SL&PB BEC
Sept. 27, 2024	Hospital Consultative Committee
Sept. 29, 2024	Chawhnu - Chhinga Vengthlang Kohhran Zan - Dawrpui Kohhran

Rev. Dr. K. Lallawmzuala : Executive Secretary

Sept. 9-20, 2024 Field Committee - Tripura, Assam leh Karbi Anglong

September 25, 2024-a Finance Managing Committee leh ni 26-a Synod Officers' Meeting (OM)-ah Moderator leh Executive Secretary-te an thu ang.

SYNOD BOOKROOM LEHKHABU CHHUAK THAR - SEPTEMBER, 2024

1. Thuhritu Thlarau Mi Tehkhin Thu Bu 3-na: <i>Pastor Bena</i>	₹ 300/-
2. John Calvin Thlirna Tlang: <i>Rev. Lalnunluanga</i>	₹ 250/-
3. Frontline Sermon: <i>Rev. J.F. Lalropuia</i>	₹ 100/-
4. Suangtuahna Piah Lam: <i>Rinfela Zadeng</i>	₹ 300/-
5. Tunlai Khawvel Thlirna: <i>Vanneihthanga</i>	₹ 250/-
6. Kei Leh Keimaha Pathian Inpuanna-7: <i>C. Malsawma (Vala)</i>	₹ 200/-
7. I Fate An Him Em? : <i>Lalhmingmawii Rawihte</i>	₹ 150/-
8. Ngaihnam Tawpthag Lawrkhawm: <i>Corporal Benjamin Biaknunuzira Pachuau</i>	₹ 300/-
9. Mizoram Buai Leh Kawlphai Zofate: <i>K. Krawsthang</i>	₹ 200/-
10. Hnam Pasalthate Tual Lenna: <i>C. Vanlalpana</i>	₹ 250/-
11. Nunhlu Ngaihawm: <i>C. Laizawna</i>	₹ 100/-
12. T. Lalnunzama Hlate : <i>T. Lalnunzama</i>	₹ 250/-
13. Runlum Nuthai: <i>Capt. L.Z. Sailo</i>	₹ 300/-
14. Tualthihna Runthlak: <i>Lalrinkimi (Florence L.R. Ralte)</i>	₹ 200/-
15. Scientist Mi Ropuite leh Mizo Mi Chhuanawmte: <i>H. Lallenmawia</i>	₹ 300/-
16. Chhai Lai Di: <i>R.K. Lalhluna</i>	₹ 150/-
17. Spoken Hindi: <i>H.K. Liansawta</i>	₹ 300/-
18. Zo Nun Thlirna: <i>C.L. Dinga</i>	₹ 140/-
19. Sulhnu Vol-1: <i>Lalhruaitluanga Ralte</i>	₹ 300/-
20. Mizo Spy Rurate: <i>C. Vanlalpana</i>	₹ 150/-
21. Mizoram GK Mini Edition 10 : <i>Lalmachhuana Zofa</i>	₹ 100/-

SAWMNA

October 18-20, 2024-a Masihi Sangati Convention wawi 33-na, Saitual Kohhran Biak Ina neih turah hmun hrang hranga Masihi Sangati Fellowship-te lo tel vek tur leh Area chhunga ringlote a tam thei ang ber hruai khawm turin kan inngen a, kohhranhote min tawngtaipui tur leh min tawiawm turin kan sawm a che u.

Speaker : Rev. Darrema Hlawndo i/c Aizawl North Bial
Thupui : Chhandamtu Isua (Tirhkohte 4:12)

Sd/-

Rev. R. Lalmingsanga
Secretary
Synod Mission Board

